



Data: 11.02.2019

Ref.: 191/19D

Në mbështetje të Nenit 4 dhe 23 të Ligjit për Administratën Shtetërore të Republikës së Kosovës (Nr. 03/L-189, datë 16. 09. 2010), Ligjit për Procedurën e Përgjithshëm Administrative (Nr. 05/L-031, datë 25. 05. 2016), Nenit 7 dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29. 08. 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr. 15/2018, datë 28. 09. 2018), Këshilli Shtetëror i Cilësisë (KShC), në mbledhjen e 61-të, të mbajtur më 15 dhe 16 janar 2019, mori:

V E N D I M

- I. Refuzohet pjesërisht kërkesa e Universitetit të Shkencave të Aplikuara në Ferizaj, Nr.1480/18H, datë 31.10.2018 për riakreditim/akreditim të programeve të studimit:
 - Menaxhment Industrial, MSc, 120 ECTS;
 - Informatika e Aplikuar, Bachelor Profesional, 180 ECTS.
- II. Ky vendim hyn në fuqi me nënshkrimin e tij.

Arsyetimi

Universiteti i Shkencave të Aplikuara në Ferizaj (tash e tutje Universiteti), ka parashtruar kërkesë (kërkesa Nr.1480/18H, datë 31.10.2018) në Agjencinë e Kosovës për Akreditim për riakreditim dhe akreditim të programeve të studimit si në vijim: Menaxhment Industrial, MSc, 120 ECTS; Inxhinieria dhe Informatika, MSc, 120 ECTS; Arkitektura dhe Dizajni i Interierit, MSc, 120 ECTS, dhe Informatika e Aplikuar, Bachelor Profesional, 180 ECTS; Menaxhimi dhe Inovacioni në Turizëm, MSc, 120 ECTS; Menaxhment Industrial, BSc, 180 ECTS, dhe Dizajn Grafik dhe Multimedia, Bachelor Profesional, 180 ECTS.

Bazuar në pikën 1.2 të Nenit 10 të UA për Akreditim, thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së", KShC erdhi në përfundim në programet e studimit, Menaxhment Industrial, MSc, 120 ECTS; dhe Informatika e Aplikuar, Bachelor Profesional, 180 ECTS, nuk i plotësojnë kushtet ligjore për aprovim nga KShC.

Bazuar në Nenin e referuar më lartë, KShC në mbledhjen e mbajtur më 15 dhe 16 janar 2019 ka trajtuar aplikacionin e dorëzuar nga ky Universitet. Sipas të dhënave të prezantuara nga raporti përmbledhës për programet me të cilat ka aplikuar ky institucion, dhe pas analizimit të detajuar të dokumentacionit të

prezantuar nga ky institucion për stafin akademik, KShC aprovoi pjesërisht kërkesën për këtë aplikacion, dhe në mungesë të stafit akademik të fushës së programit të studimit, ashtu siç parashihet me Nenin 26, pika 5.3.4 e UA për Akreditim, dhe bazuar në Nenin 10, pika 1.3.2, KShC mori vendim për refuzim të aprovimit të aplikacionit për programet e studimit si në vijim: Menaxhment Industrial, MSc, 120 ECTS dhe Informatika e Aplikuar, Bachelor Profesional, 180 ECTS.

Vlerësimi i stafit akademik është bërë sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë, sipas së cilit: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

1. Për programin e studimit: *Menaxhment Industrial, MSc, 120 ECTS*, si bartës të këtij programi Universiteti i Ferizajt ka paraparë këtë staf: Afrim Loku (PhD in Management) dhe Ismail Mehmeti (PhD në Shkenca Juridike).

Sipas paragrafit të fundit të Nenit 26, pika 5.3.4 e Udhëzimit Administrativ për Akreditim, kërkohet që: *“për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.* Programi i studimit *Menaxhment Industrial, MSc, ka 120 ECTS*, andaj duhet të ketë të paktën dy staf me gradën akademike PhD, nga fusha e programit të studimit. Pas kontrollimit të dokumentacionit të dorëzuar nga ky institucion është konstatuar që Afrim Loku është PhD në Menaxhment ndërsa Ismail Mehmeti PhD në Shkenca Juridike. Ismail Mehmeti është PhD në Shkenca Juridike, fushë kjo e cila nuk i përgjigjet programit të studimit *Menaxhment Industrial*, andaj si i tillë nuk mund të merret në konsideratë si bartës i këtij programi.

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit të refuzoj aprovimin e aplikacionit për programin e studimit *Menaxhment Industrial, MSc, 120 ECTS*.

2. Për programin e studimit: *Informatika e Aplikuar, Bachelor Profesional, 180 ECTS*, bartës të këtij programi Universiteti ka paraparë këtë staf: Flamur Salihu (MA of Technical Sciences), Fatmir Çerkini (MA of Technical Sciences) dhe Leonora Haliti-Rudhani (MA of Banks, Finances, Accounting). Për programet e nivelit Bachelor Profesional, UA për Akreditim, në pikën 5.1 të Nenit 27 të këtij udhëzimi, kërkohet që: Stafi për mësimdhënie duhet të jetë i kualifikuar në aspektin akademik dhe profesional, me përvojë relevante së paku pesë vjeçare në fushën përkatëse, i zgjedhur përmes procedura transparente. Ndërsa në pikën 5.2 të Nenit 27 të këtij udhëzimi: *“Kërkesat minimale akademike për stafin e mësimdhënës që i vlerëson studentët duhet të jetë përfundimi i studimeve master”.* Programi i studimit *Informatika e Aplikuar, Bachelor Profesional, ka 180 ECTS* kredi, dhe rrjedhimisht duhet të ketë të paktën tre persona me kualifikimin MA nga fusha e programit të studimit. Pas kontrollimit të dokumentacionit të dorëzuar nga ky institucion u konstatua që të dy bartësit e programit i përkasin fushave teknike, përkatësisht Flamur Salihu është MSc në Shkenca Teknike, (Fakulteti i Inxhinieris Mekanike); Fatmir Çerkini është MSc në Shkenca Teknike, (Fakulteti i Inxhinieris Mekanike); dhe Leonora Haliti-Rudhani (MA në Banka, Financa dhe Kontabilitet.)

Stafi i prezantuar nuk i përket fushës së studimit të programit *Informatika e Aplikuar*, andaj si i tillë nuk mund të merren në konsideratë si bartës i këtij programi.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së studimit të programit të studimit, dhe bazuar në Nenit 26, pika 5.3.4 e Udhëzimit Administrativ për Akreditim, të refuzoj aprovimin e aplikacionit për programin e studimit *Informatika e Aplikuar, Bachelor Profesional, 180 ECTS*.

Këshillë juridike: Kundër këtij vendimi pala e pakënaqur mund të paraqes ankesë sipas Nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në Nenin 128 të LPPA, në afatin prej 30 nga dita kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Universiteti i Shkencave të Aplikuara në Ferizaj;
- MASHT-it;
- Arkivit të AKA-së.



Prof. Dr. Gazmend Luboteni

Kryetar i Këshillit Shtetëror të Cilësisë

